



**I**Oannes Franciscus ex honesta familia apud Bernenses natus est anno circiter 1500. Is cum optima indole esset conspicuus, à pueris omni genere uirtutum educatus & institutus est. Cum autem adoleuisset, armorum studia dilexit, atque Francisci regis Galliae castra multoties secutus fuit. Vnde rei bellicæ magnam peritiam nactus, reliquis Heluetijs Gallo militatibus gratissimus fuit. Erat is quoque rebus agendis promptissimus, & singulari prudentia & pietate præditus. Itaque in patriam reuersus in senatum cooptatur, atque hinc inde ob rerum usum reipublicæ causa legatus mittitur. Accidit autem 1531 ut Medices quidam ad lacum Luganensem Rhœtos Hel-

uetiorum confœderatos molestaret, atque itinera infesta redderet. Ibi Heluetij Rhœtis coniuncti potentem hostem remouerunt, & Mediolanensi ducatu expulerunt. In ea expeditione Ioannes Franciscus Bernensium dux extitit, & multa suæ fortitudinis documenta dedit.